

NOTITIA
EPISCOPATVVM
PATRIARCHATVS
HIEROSOLYMITANI.

HIERVSALEM Palæstinæ ciuitas Ptol. lib. 5. cap. 16. Metropolis Iudææ Eusebio lib. 3. cap. 5. Sedes Apostolica Sozomeno lib. 4. cap. 24. & Patriarchica Can. Nicæn. 7. *Iacobus* primus eius dicitur Episcopus apud Eusebium lib. 2. cap. 1. cuius successores inferius enarrabimus.

PALÆSTINA PRIMA.

CÆSAREA Ptol. lib. 5. cap. 16. vulgò *Caifar*. Metropolis dicitur Palæstinæ apud B. Hieronymum in epist. ad Pammachium aduersus errores Ioannis Hierosolymitani. *Theophili* huius Antistitis memoria est apud Eusebium lib. 5. cap. 22. & *Agricolaus* Concilio Ancyrano subscripsit.

DORA Ptol. ibid. & Notit. antiq. Græcæ, Hebræis *Dortaire*. *Nonnus* Episcopus Dauron fortè pro Doron subscripsit Concilio Constantinop. generali 5. & Stephanus Dorensis ex Palæstina Lateranensi sub Martino adfuit.

ANTIPATRIS Ptol. ibid. *Antipatrida* nunc. *Polychronius* Antipatridis Antistes in Concilio Chalcedonenfi legitur.

DIOSPOLIS Palæstinæ quæ Lydda. Ptolem. ibid. vulgò *Rama*, alijs *S. Giorgio*. *Ætius* Episcopus Lyddensis interfuit Concil. Nicæno primo.

IAMNIA Ptolem. ibid. vulgò *Zania*. *Menobius* Iamnianus rescripto Episcoporum Palæstinæ ad Ioannem Constantinopolitanum subscripsit, & *Stephanus* Concil. Hierosolym. sub Petro Patriarcha.

NICOPOLIS Ptol. ibid. vulgò *Emmaüs*. *Zenobius* Episcopus Nicopolitanus eidem Concilio interfuit.

SOZVSA dictæ Notitiæ antiquæ Græcæ in prima Palæstina, & Stephanus in Phœnicia Palæstinæ contermina. *Leontius* Sozusæ Antistes legitur in dicto Concil. Hierosolymitano.

MAIVMA Sozomeno lib. 7. cap. 27. qui *Zenonem* huius Episcopum nominat.

IOPPE Ptol. ibid. vulgò *Zaffo* & *Iaffa*. *Fidus* Episcopus Ioppes inuenitur in Concil. Ephesino, & *Elias* in Constantinop. sub Agapeto & Menna.

ASCALON Ptol. ibid. vulgò *Scalona*. Dictum Concilium Hierosolymitanum habet *Dionysium* Antistitem Ascalonum, & ante illum *Sabinus* Ascalonitanus Nicæno Concilio subscripsit.

GAZA Ptol. ibid. nunc *Azza* alijs *Garara*. *Nartianus* Episcopus Gazæ refertur in eodem Concilio Hierosolymitano.

RHAPHIA Ptol. ibid. quibusdam *Rhama*. *Epiphanius* Raphiæ Antistitis meminit idem Concilium.